

與完璞子同登瑤島之上矣

贊曰程完璞者忠義神仙也然其羞廣孝挫高煦說隱遙壯則壯矣母乃龍性未馴乎既聞溫養添孫入包山玦樓與徐君同修仙史則又儒雅之甚矣

慧通子列傳

慧通子姓徐名人瑞字輯五滇池侯徐景夫英之子也母宏氏初生一姊名大姑繼生慧通時洪武元年四月初八日也齟齬時死而復生忽開神慧先是滇池侯性情豪邁奮志從軍轉徙於外卒不能歸時慧通尙年稚也常師韓教授淹貫經史里人有神童之目而慧通天性澹遠素慕玄修日自館舍歸途遇赤

道藏輯要

三丰全集 古文

五

續羅集七

鬚道士招前語曰穉子有心學道抑知道不遠人乎忠孝仁義道之基也遂傳以妙品逸入深林不見慧通歸家乃存心報本矢志忠誠既念老父從征音書久絕遂欲遍處尋求以母孤清無人奉侍不敢遽行姊適婁江朱雲章專事游俠言欲爲朝廷出力圖取功名慧通聞而嘆曰朱哥亦作此想也心竊憂之未嘗爲母告也娶陶氏幼名鍾姑後改名復字於根心靈善悟能讀古經文姑少慧通一年而月日時則皆同也能事老姑人稱雙孝焉慧通以內助賢順乃聚徒教授館穀奉親嗣後生齒漸蕃謀生轉拙乃學爲岐黃之業精痘科兼善治疫癘國之人賴以活者益不可勝數矣側聞朱雲章勤王戰死遂具舟往慰大

姑因思父亦從軍未卜何如而尋親之念於是益切謂窮天極地必往求之也時年已三十五緝長髯口河眉劍目秀鼻隆喜服天藍袍淡黃裾飄飄然有神仙意攜二童相隨舟至江西小兒患病者咸求醫治餽遺之物用度外悉施貧苦飄零楚蜀至瞿塘三峽又聞徐侯在滇南爰往探之至沱府問詢始知向鎮大理已去世二載也沉痛欲絕卽日泣奔大理徵尋甫得於北門外之和平里步入中庭滿懷愴戚忽見兩少年趨出瞪視彼此驚疑蓋徐侯當日聞宏氏生子已亡故更納嚴唐二姬以繼宗祧而復生此二子也相視相詰方知爲嫡庶弟昆遂請兩姨出拜焉命二弟引往墓所廬居七日哀毀如禮此時歸省念起

道藏輯要

三丰全集

古文

六

續畢集七
×××

欲請兩姨同二弟東歸以姻親在此不願重遷乃拜別就道而還初抵家宅卽入中堂拜母猛見喪幃一具揭視之靈柩儼然失聲曰此何爲也家之人咸來泣拜鍾姑曰自君之去矣老姑積於思慮卒然而昏慧通聞言哀痛無旣迺行祭葬之禮復深廬墓之情一日遇前赤鬚人至曰吾西山隱仙也聞吾子孝德動天合當長生度世卽召其夫婦至前傳以大丹之訣慧通與鍾姑乃拜隱仙爲弟子仙旣去遂各淨掃丹房勤心修煉不一載而金丹已成他日出游西山再遇仙師傳以神丹乃於林屋洞天起爐超煉白雲滿空紅霞徧地自是而闔宅皆昇矣方慧通之初入西山也見危岩深處有石門焉屈身而入伏行旣久

凡皆是入
至時之景
象也

此傳妙合
丹經仙筆
也

嬰兒姪女
兩團圓之
意
聖父靈母
生真仙之
意

髮鬢若有光由是瓊鐘一叩萬象皆明洞然之中別有天地其
間林泉曠廓雲水飛揚溪山猿鶴相嘯於雲煙之外而瓦屋樓
臺亦與人間無異遍觀其閑院堂曰堂堂亭曰亭亭軒曰軒軒
閣曰閣閣慧通至此幾不知身在何處也突有二吏來迎云奉
玄聖命專候仙才遂引慧通至石樓額曰玦樓華藏二吏止之
於中返身扇門而去慧通靜坐沈思一使供餐琴書在几香茗
當前及觀樓壁已有太上勅箋命其細檢琅函纂修仙史功成
後許其全家一見於焉握仙管拂雲縑日日勤研功夫清謹舉
凡古今仙跡六道流傳無不編次詳明炳如星日如是者不知
幾朝暮矣始見一丈人啟鑰開關而進慧通拜之丈人曰吾即
道藏輯要
三丰全集 古文
七 續畢集七
8811
此洞主靈威子也子成希有多之功仙凡幸甚慧通謝之求賜
閑游丈人曰子今可以出觀寶眷已移前第矣請往見慧通乃
下玦樓青童前導先從戊己門轉達東堂瞥見鍾姑易服官妝
斂衽曰君可往見公姑乃更入內院見其母同一偉貌鬚叟並
坐逍遙榻上慧通泣拜母前叩其來畧母曰吾昨逝後見赤鬚
道者督一金剛神日夜圍護言候汝子道成即得齊登仙界其
並坐者即汝父也一時父母妻子咸聚首於林屋洞天之中嗟
乎慧通之仙秩其榮及於全家者固若斯乎夫挾濟人之術以
尋萬里之親可謂仁孝兼備矣乃去則父歿而不得見入則母
死而不及送人子之苦莫甚於斯及至玦樓編史闔家度世然

後知天之報施仁孝固不爽矣後封爲徵時太史兼寰中極濟使鍾姑爲易隱淨貞夫人

贊曰徐慧通者仁孝神仙也館穀養母借醫尋父若博學多能以成其爲人者然惜其遠尋亡父而不能轉見生母又何留此缺恨也人子至此故惟有出家訪道冀我族之同昇也然使無仙才以成仙史之功亦幾幾乎其難哉

沈線陽小傳

沈線陽者萬山長女也聲宏體碩無女子相生三歲而失去莫知所之方萬山之徒雲南也吾往會於滇上同煉天元大藥至期年而始成日者線陽來見已隔三十餘年父女相逢兩不相識細詢之始知其爲長女也自小離親幾成永訣然在髫稚亦不自知其別麻闡之際卽遇薛真陽古稱中條玄女者是也名之爲玉霞號之以線陽命掌神劍兼守玉匣諸祕法得授靈通大道吾與萬山正煉天元爰此來滇共服成藥皆真陽教之也萬山大喜卽出成丹與全家服之皆沖舉焉線陽願大慈深慨然有普救生靈之志嘗言能忍者有裨於道好殺者必喪其元遂與父散游四方隨時化度云嗚呼可謂女仙中英雄矣

余氏父女傳

東南之地多仙才而可與點化之訣者惟沈家眷屬余十舍者萬山之婿也少好施與萬山以幼女妻之並傳以丹砂妙道豐